

SIARAN MEDIA KEMENTERIAN KEWANGAN MALAYSIA

TEMPOH PERMOHONAN RAYUAN BANTUAN SARA HIDUP (BSH) 2019

DIBUKA MULAI 1 JULAI 2019 HINGGA 15 OGOS 2019



Kementerian Kewangan Malaysia



**Bantuan
Sara Hidup**

TEMPOH PERMOHONAN RAYUAN BANTUAN SARA HIDUP (BSH) 2019 DIBUKA MULAI

1 JULAI 2019 - 15 OGOS 2019

Bantuan Sara Hidup (BSH) merupakan salah satu program bantuan bersasar bagi golongan berpendapatan rendah (B40) untuk meringankan kos sara hidup mereka di samping membuktikan keprihatinan Kerajaan Pakatan Harapan terhadap golongan yang memerlukan, dan seterusnya memberi impak yang tinggi kepada rakyat.

Pembayaran BSH 2019 fasa kedua telah dilaksanakan mulai 28 Mei 2019 berdasarkan kategori BSH 2019, merangkumi bilangan anak/tanggungan dan jumlah nilai BSH 2019 yang akan diterima. Pembayaran ini dibuat setelah proses verifikasi dijalankan dan melibatkan 3.6 juta penerima yang diluluskan untuk BSH. Bayaran fasa kedua ini melibatkan peruntukan sebanyak RM1.42 bilion, dan termasuk bayaran untuk tanggungan yang melibatkan 3.2 juta anak penerima BSH berumur 18 tahun ke bawah, terhad kepada 4 orang, kecuali anak OKU yang tidak dihadkan umur mereka. Setakat ini, jumlah keseluruhan pembayaran bagi Fasa 1 dan 2 adalah RM2.62 bilion.

Bagi memastikan program BSH 2019 disasarkan kepada mereka yang benarbenar layak, **tempoh permohonan rayuan akan dibuka mulai 1 Julai 2019 hingga 15 Ogos 2019**. Dengan adanya proses rayuan ini, mereka yang tidak layak masih diberi ruang untuk mengemukakan rayuan berserta dengan dokumen berkaitan untuk diverifikasi semula oleh Lembaga Hasil Dalam Negeri Malaysia (LHDNM).

Permohonan rayuan boleh dibuat secara dalam talian di portal BSH <https://bsh.hasil.gov.my/> , atau dengan hadir ke mana-mana Cawangan / Pusat Khidmat Hasil (PKH) dan Pusat Transformasi Bandar (UTC) LHDNM.

Kerajaan akan terus mengambil langkah proaktif dalam menangani masalah dan isu yang timbul sepanjang pelaksanaan BSH. Kerajaan juga akan sentiasa menambahbaik program BSH bagi memastikan bantuan yang diberikan adalah berkesan dan mencapai kumpulan sasar yang ditetapkan terutamanya golongan B40 dalam membantu meringankan beban kos sara hidup rakyat.

Sekiranya terdapat sebarang pertanyaan lanjut, boleh menghubungi talian bebas tol 1-800-88-2747 serta e-mel kepada: bsh@treasury.gov.my.

Kementerian Kewangan Malaysia
Putrajaya
1 Julai 2019

Like Be the first of your friends to like this.

.....